

Cu sosten grandi di publico general

Premio Crioyo di Oro lo worde otorga na Robert Jeand'or

ORANJESTAD (AAN): Recientemente durante Na drempe di Fin di Aña, Fundacion Go Cultura a anuncia cu e proximo baluarte cultural cu lo ricibi e premio nacional Crioyo di Oro lo ta Robert Jeand'or.

Premio Crioyo di Oro ta un reconocimiento cu a nace na 2021 como un "lifetime achievement award" pa reconoce, balora y celebra excelencia artistico y personalnan den nos cumindad cu a dedica nan bida largo na desaroyo cultural di Aruba. E reconocimiento aki ta worde entrega durante un anochi di gala cu ta worde combina cu un gran concierto como homenahe na esun cu ta ricibi e premio.

Nos por corda e homenahe dedica na Jossy Brokke den luna di december di aña 2021, caminda cu Fundacion Go Cultura a sorprende Jossy cu e premio aki y a nombra Jossy Brokke como Aruba su



pa nomina e persona cu nan ta desea pa ricibi e premio nacional aki. Despues di mas cu mil nominacion, cual Fundacion Go Cultura a considera como un reaccion y cantidad fantastico, por a nota cu un cantidad abrumador a nomina Maybelline Arends-Croes

henter nos historia como isla y como pais.

Na su 69 aña di edad actualmente, nos por mira atras riba un carera y trayectoria impresionante di Robert como cantante, musico, arreglista, productor y ciudadano arubano activo, ehemplar y productivo.

Loke nos por anticipa ta cu e homenahe di gala cu Robert lo ricibi dia prome di december proximo ta inclui un concierto musical carga pa un elenco impresionante di streanan briyante di e mundo musical di nos pais manera Rocco Franken, Noush, Jeffrey Kelly, Rachel Kraaijvanger, Jack Tromp, Julisa Arends, Danny Koolman, Jonathan Croes, Edjean Semeler y hopi sorpresa mas.

E lo bira un biahe den Robert su carera musical desde su inicio te cu actualidad.

E artistanan cu lo ta parti di e anochi aki lo presenta Robert su exitonan musical y celebra hunto cu Robert, un bida excepcional di musica, inspiracion y alegria, cu sigur lo sirbi como inspiracion y herencia pa futuro generacionnan.

Fundacion Go Cultura ta gradici comunidad Arubano inmensamente pa a participa den e proceso di nominacion pa e proximo Crioyo di Oro. Keda pendiente pa mas detaye di "Premio nacional Crioyo di Oro, un Homenahe na Robert Jeand'or" den Renaissance Convention Center.



promete recipiente di Premio Crioyo di Oro. Despues di e exito grandi aki, Fundacion Go Cultura a dicidi cu lo continua cu e proyecto aki, considerando cuanto baluarte nos isla tin cu merece di worde reconoci y homenahe di e forma aki, y tanten cu nan ta na bida.

Loke a bira diferente na 2022 ta, cu e aña ey a duna publico general e oportunidad via e plataforma digital

como e proximo persona pa ricibi e premio aki. Maybelline a ricibi e premio nacional aki durante un homenahe musical fantastico den Cas di Cultura.

Pa aña 2023, un bes mas tabata tin e oportunidad pa publico general por nomina nan faborito. Cu 700 nominacion mas cu aña 2022, fundacion Go Cultura a keda hopi agradecido cu e iniciativa aki ta biba den nos comunidad. E gran mayoria a nomina Robert Jeand'or como e ganador pa 2023 di e premio nacional aki. Robert Jeand'or ta worde considera como un di e artistanan y baluartenan cultural di mas importante, emblematico y legendario di